

古今名醫彙粹方論合刊

上海大成書局
印行



新安羅美東逸父輯
江陰錢榮光性方校

古今名醫彙粹

方論合刊

暨易繆詠仁題



板 所 翻 必
權 有 刻 究



民 國 十 年 子 仲 夏 月 出 板



名醫彙粹方論合刊序

新安羅東逸先生輯名醫彙粹八卷。未梓。又輯名醫方論四卷。原期並付叢刊。用垂久遠。嗣以艱於籌費。僅得先刊方論四冊。讀羅先生自敘例言。自知今張君鏡祥出鈔本彙粹。願繼新甫盛先生之後。為之重刊。適韓君筠谷見而謂吾曰。尚有方論四卷。趙此合刊。方為完璧。蓋因此書僅有分刊。未有合集也。且版均被燬。書亦稀存。與其單傳彙粹而缺憾仍留。何如方論並刊。而珠聯璧合。吾聞斯語。吾重斯行矣。爰於重校彙粹之餘。特訪吳君第初。假舊刻方論而並訂之以付手民。不特可竟羅先生未竟之志。且得踐韓君筠谷合刊之言。顏之曰名醫彙粹方論合刊。所以紀寔也。嗟乎。時事興衰。循環曷已。名山著作。聚散何常。即此圭臬有資。琳瑯無價。取作驚人寶鐸。堪為度厄慈航。義重傳宣。理毋湮沒。不教倚竹淒涼。瘁盡娥娥之色。藉恤牽蘿辛苦。寒灰寸寸之思。此固就釐訂而幾費沉吟。念滄桑而不勝愴惻者也。然尤幸斯文未喪。永昭潛德之光。成憲克遵。共展活人之術。文章道廣。香火緣深。吾道不孤。庶幾在是。

宣統遜位之十一年歲次壬戌余月道隱錢榮光性方甫又識

時年六十八

重刊名醫彙粹序

新安羅東逸先生輯名醫彙粹一書。向未刊行。僅傳抄本。自道光癸未嘉興錢新甫先生出苕溪。友人所藏善本。梓於衙署。相傳乃廣。閱時未久。版燬於感。豐兵燹。刊書亦不多覩。良足惜也。不期五十年後。復有醫博士張鏡祥君持秘傳抄本見示。披閱一過。覺所引雖皆近代名言。而彙通靈素諸經之微旨。其有裨後學。豈淺鮮哉。然或有議之者曰。上古名賢輩出。以發明聖經為己任者。何止百數十家。如成無已明理論。朱肱活人書。許叔微百證歌。龐安常總病論。其最著者也。是輯均未一引及之。猶不免有罅漏之憾。而抑知無遺憾焉。大江南北。向所膾炙人口者。前後千百年間。則有子和張氏。河間劉氏。東垣李氏。丹溪朱氏。世所稱四大家者。是書無不及之。其言皆足以貫澈往古。昭示來今。豈必盡錄夫百家諸說。歷代遺書。方得免罅漏之議乎。況乎醫林缺憾。不在截長補短。而在互相詆誅。不在核寔循名。而在各分門戶。若是輯者。真截長補短。核寔循名。不相詆誅。無分門戶之書也。重付梓民。不亦宜乎。光雖不敏。亦夙知嘉言路玉。禹載靈胎韻栢諸公之立論。獨具性靈。又可知師愚松園郊麟松峰諸子之用方。超越前輩。而究其立論用方之精要。仍未得。於是書範圍之外。別出心

裁以故不辭衰朽。敢徇博士重刊之。請重加校正。為誌數言。畧抒所見。亦藉以表是書之顛末云爾。

宣統遜位之六年丁巳秋日道隱錢榮光性方氏序



南京中醫藥大學圖書館藏

名醫彙粹原序

夫天地生人。古今壽夭不齊。其故何也。淳漓一變。脩短殊途矣。言仁術者。輯醫藥之書。以救天枉。莫不首稱素難。次述漢唐。爰及歷代名賢之說。撫拾成帙。為後學之津梁。其功豈不偉哉。然而方藥有不同。老壯之非一。山居與城市異治。膏粱與藜藿分途。氣運之變遷。時代之升降。人生氣交之中。其稟賦厚薄。疾疢淺深。與氣機相流轉。未易明也。至如張子和專工吐下。非不名家。劉守真以水火立論。動輒苓連。李杲出而闡發脾胃。參芪是賴。朱丹溪惟事清涼。不離知柏。此四賢者。皆足以起沉疴而安衽席。豈有意於立異鳴高哉。因時制宜。濟世之心。切不期然而然者也。今之人。執古法以施治。將以生人者。殺人於反掌。翻疑古人之不足法。豈其然歟。前人有拆舊料。蓋新房之喻。繩尺不越軒檻。殊觀焉。運用在一心。臨症如臨敵。選藥如選將。求其至當而後已。新安羅東逸輯有名醫彙粹。至當之書也。咀噉近代之精華。不言軒岐而經言悉具。金匱千金之方。雖篇目不列。而治法無遺。信可謂醫學之金針。迷途之寶筏矣。世無刊本抄錄。相沿亥豕魯魚。閱者攢眉。茗溪友人出所藏善本。校訂精詳。亟付剞劂。以廣其傳。未必非濟世之一助云。道光三年歲次癸未正月嘉興盛新甫撰。

古今名醫彙粹總目

卷一論集

大寶論

命門後論

水火論

虛損論

脉部論

柯韻柏金木生成論

輯先哲格言三篇

格言一 二十五則

格言三 二十一則

卷二脉要集

集內經脉論

平人脉準

四時脉

真陰論

火為先天論

補秋燥論

論東垣脾胃論

參附宜虛論

格言二 四十三則

內經脉要總論

胃脉

五藏脉



三陰三陽藏象脉法

脉之大要

脉主病

診法脉案

張景岳脉章十一條

卷三病能集一 雜症九門

陰病論

非風論

痰飲

吐瀉

欬嗽

卷四病能集二 雜症十一門

暑

燥

諸痺

脉有從逆陰陽

推拿法

病主脉

附論內經脉診總論

諸名公脉論八條

中風

痿病

滯下

瘡疾

濕

火

三消



南京中醫藥大學圖書館藏

噎膈

腫脹

關格

卷五病能集三

雜症十三門

瘕

厥逆

黃痺

喘

陰虛發熱

不能食

怒傷肝

卷六病能集四

雜症十門

諸失血

聲瘖

諸積聚

痞滿

水腫

增補雲岐子九方

大頭瘟

諸鬱

肺癰肺痿

虛勞

汗

似瘡

心諸症

癲癇狂證

諸疔



諸痛

頭諸證

卷七病能集五

雜症十門

遺溺

腦漏

癘風

目

咽喉

輯選薛立齋各證醫案六十四則

卷八病能集六 婦人治例四篇

女科一

經病通治

案十五則

女科二

赤白帶

腰脇背痛

二便

濁遺

痧疹

面諸症

口鼻齒

耳諸症

論八條

良方藥禁十一條

水分血分



食癥血癥心腹痛

師尼寡婦室女寒熱醫案三則

流注

胎前諸症 四十二則

小便出血熱入血室

歷節痛風

癰癰

產後各證 三十則



南京中醫藥大學圖書館藏

古今名醫彙粹卷之一目錄

論集

大寶論

張景岳

真陰論

命門後論

張景岳

火為先天論

水火論

趙養葵

秋燥論

虛損論二則

張景岳

論東垣脾胃論

脉部論

喻嘉言

參附宜虛論

金木生成論

柯韻柏

輯先哲格言三篇

格言一

何柏齋一則

劉河間一則

朱丹溪二則

張三錫五則

李東垣三則

王好古一則

崆峒子三則

喻嘉言六則

龐安常二則

格言二

趙養葵四則

王仲陽一則

滑伯仁一則

張景岳 趙養葵 喻嘉言 張景岳 趙羽皇

喻嘉言三則

薛立齋二則

朱丹溪二則

格言三

程郊倩十五則

張隱庵二則

程郊倩一則

朱丹溪二則

張三錫一則

李士材四則

羅東逸一則

柯韻柏一則

張三錫三則

韓飛霞一則

喻嘉言四則

喻嘉言二則



古今名醫彙粹卷之一

新安羅 美東逸父輯

張景岳大寶論

古虞席世臣郭客氏詳校
江陰錢榮光性方氏重校

夫陰陽之體曰乾與坤。陰陽之用曰水與火。陰陽之化曰形與氣。以生殺言則陽生陰殺。以寒熱言則陽熱陰寒。若其生化之基則陽先陰後。陽施陰受。先天固氣以化形。陽生陰也。後天因形以化氣。陰生陽也。形即精。精即水。神即氣。氣即火。陰陽二氣最不宜偏。平則氣和而生物。偏則氣乖而殺物。經曰陰平陽秘。精神乃治。陰陽離決。精氣乃絕。此先王教人察陰陽。保生氣也。夫陽一而陰二。故偶者陰也。後天之形也。奇者陽也。先天之氣也。神由氣化而氣本乎天。所以發生吾身者。即真陽之氣也。形以精成而精生於氣。所以成立吾身者。即真陰之氣也。請言陰。上古天真論曰女子二七而天癸至。男子二八而天癸至。非陰生在後而陰成之難乎。陰陽應象大論曰人生四十而陰氣自半也。非陰衰在前而陰凋之易乎。故人生全盛之數。惟二八之後。以至四旬之外。前後止二十餘年。而形體漸衰矣。陽道常實。陰道常虛。故丹溪引日月之盈虧。以為陽常有餘。陰常不足之論。而立補陰大補等丸。獨惜以黃柏知母為神丹。致家傳戶用。殊不知天癸之未至。本由乎氣。而陰氣之自半。亦由乎氣。是形

透闕之
論前所
未發

雖在陰。而氣則仍從乎陽也。此生死之機。不可不辨。請言陽。陽之為義大矣。夫陰以陽為主。所關乎造化之源。而為性命之本者。惟斯而已。姑辨其最要者。一曰形氣。二曰寒熱。三曰水火。夫形氣者。陽化氣。陰成形。是形本屬陰。而凡通體之溫者。陽氣也。一身之治者。陽氣也。五官五藏之神明不測者。陽氣也。及其靈覺盡滅。身冷如冰。形固存。而氣則去。此以陽脫在前。而陰留在後。非陰多於陽乎。是形氣陰陽之辨也。寒熱者。春夏之煖為陽。秋冬之冷為陰。當長夏之暑。草木昆蟲咸若煎炙。然愈熱愈繁。不熱則不盛。至一夕風霜。即僵枯遍野。是熱能生物。寒無生意。熱無傷。而寒可畏。非寒強於熱乎。此寒熱陰陽之辨也。水火者。造化之權。其象有四。日為太陽。火為少陽。水為太陰。月為少陰。此四象之真形也。或曰。月本太陰。火豈少陽。曰。陽外陰內。此陰陽之定位也。陽中無太陰。陰中無太陽。此陰陽之專主也。日麗於天。此陽中之陽也。非太陽乎。月之在天。陽中之陰也。非少陰乎。水行於地。陰中之陰也。非太陰乎。火之在地。陰中之陽也。非少陽乎。此等大義。丹溪所未知。故引日月盈虧。以證陰陽虛實。況夫陰陽之性。大者氣剛。故日不可滅。水不可竭。此日為火之本。水為月之根也。少者氣柔。故火有時息。月有時虧。此火為日之餘。月為水之餘也。惟其不滅者。乃為真火。而時作時止。豈即元陽。故惟真陽之火。乃能生物。而燎原之凡火。但能焦物。病物。

是要可以火論日也。或曰：水誠太陰，然水能生萬物，水非生氣乎？曰：此問更妙。夫天一生水，天一者，天之一也，一即陽也。無一則止於六耳。故水之生物者，賴此一也。水之化氣者，亦賴此一也。故春夏之水，土得之而生長；秋冬之水，土得之而不生不長。是水亦死矣。水之所以生水，之所以行，孰非陽氣所生？此水中有陽，非水即為陽也。或曰：生化之權，皆由陽氣，何反慮其不足也？曰：余為此論，正為此耳。夫陽氣不死，則生意不廣，而況於無陽乎？故陽惟畏其衰，陰惟畏其盛，非陰能自盛也。陽衰則陰盛矣。凡萬物之生，由于陽，萬物之死，亦由于陽，非陽能死物也。陽來則生，陽去則死矣。試以太陽證之：日行南陸，在時為冬，斯時非無日也，第稍遠耳，便見嚴寒難禦，萬物凋零。然則天地之和，惟此日也。萬物之生，惟此日也。設無此日，天地雖大一寒實耳。人是小乾坤，得陽則生，失陽則死。陽衰者，即無陽之漸也。聖人作易，首制一爻，立元陽之祖，明陽德之元亨。於坤初六曰：履霜，堅冰，慮陰氣之漸長，防其有妨化育耳。內經曰：凡陰陽之要，陽密乃固。此言陰之所恃者，惟陽為主也。又曰：陽氣者，若天與日，失其所則折壽而不彰。故天運當以日光明，可見人之大寶，只此一息真陽，孰為陽常有餘，而欲以苦寒之物伐此陽氣，欲保生可如是乎？客曰：欲固此陽，計將何出？曰：但知根本，即其要也。命門是也。所謂命門者，先天之生我由此而受，後天之生我由此而受。後天之生我由此而受。